



**C'N'ÈST NIN PO DÎRE,
MINS...**


Dins l' RABULÈTS èvoyî viè l' 14 di Djanvî (Djan02) vos polîz vîre :



Dins l' SOIR 22 d' m'âss vos avîz on dèssin da Gèluk :



Èt adon, li 9 d' avri dins l' Picron (Moustique), vos ritrovîz :



**LÈS SOVNANCES DA
TCHOFILÈ...**

Come di jusse, lès tchèyères èstîne ritoûrnêyes cu au wôt dsus l' tauve. C'èstéve s' n' acostumance. Dispû ki s'n' ome avéve moru, ça duvéve bén fé dins lès vint ans, Filo dimèréve èmon sès bias parints èt s'î avéve acostumé à fé l' buwêye l' vinrdi èt li "sèmdi", come on dijéve po l' rinètiyâdje à grandès euwes, li... sèmdi. L' djoû k'èle s' a ritrové mërseûle, lès "vîs" ètérés èt sès èfants mâriés odobén acoplés, èle avéve on ptit tims continuwé tot parey. C'èst pa l' bagaedje ki ça z-a comincî. Èle ni l'a pus fait k'on còp l' samwinne èt rade s' continter d' passer s'n' assiète èt s' jate dsos l' pompe èt d'lèyî trimper sès kilîs, coutias èt fortchètes dins on bocau. Come èle mètève on divantrin, s' cote n' èstéve mauy mannète. Sès linçòus dimèrîne todi assez blancs à s'mòde èt lès tahes dèssins si polîne ritoûrner kat còps, ènndon... L' buwêye a stî rastaurdjêye à on còp l' mwès, adonpwîs tos lès trwès mwès. Pokwè todi s'mète à fé l' "sèmdi" rén ki l' sèmdi ? Tot bén tûzé, ça s'pout fé lès ôtes djoûs èto, kè pinsèz-v' ? Po fini, lès tchèyères ont dimèré cu au wôt dsus l' tauve do sèmdi au sèmdi èt au sèmdi ki pou co shûre. Insi, si à l' astchèyance ène sakî arivéve, èle s' s' è nn d' aléve : "Dj'aléve djustumint passer l'loke à



rilokter... I gn'a rin avou ça, savoz, tinoz, ritoûrnèz-vos on chame èt achîdèz-vos. I m'dimère co bén do cafeu tchaud dsus li stûve...mins si vos è vloz do tot noû..." Ène après-plandjère, ça duvéve ièsse li mwè d' may èt i fiève dèdja pèsant kand s' vijin Tchofile s'a-st-amwinrné èt rentrer pa l' uch di ddrî k' èstéve grand au laudje. Aspouyîye à l' fènièsse èle riwètève deus mouxhons ki s' cotapîne dins ène basse do corti. Èle èstéve co è s' grîjje combinèzon ki si ddrî è tinkiyéve li pilou. Èle n'a nèn oyu k'l' ome avéve moussî è s' cassine. Èle a tryané kand èle a sintu s' sofle dsus s'n' anète. Dèdja lès mwins l' apougîne èt l' rifter èwousk'èle avéve roviyî combén ça rafiye. "Kwè, c' èst vos ? Kè fyoz don ?" Sès djambes ont ployî... l' bloke d' ène cinke dsus l' pavêye... deus, trwès ahans... ène frèhinaedje è l' tàyâr... on sospîr. Èle ni s'a nèn ritoûrné kand l' uch s'a doûcemint rissèré. Avéve-t-èle revé orer on "Scuzèz-m" shûvu d'on "Grâce" ?...